

臣申欽商議則曾經主文之人除相臣外海平府院君尹根壽
兼京畿觀察使李廷龜不可不同然廷龜雖授外任常留都下
間間來參恐無妨吏曹參判韓浚謙行上護軍洪慶臣行大
護軍鄭協並令來參既會一處不可無常所於南別宮空梗為之
稱之以撰集廳逐日常仕堂下文官皆屬於實錄印出廳只

令弘文館出番一員輪回來參本館書籍當為取考本館冊色書
吏二人使之分仕守直使喚之人亦不可無使令二名守直軍
士二名令兵曹定送何如傳曰允○癸巳○夜四更客星微

見雲間形色大小及所在宿度去極度數不得測候○甲午○
朝 壬世子問 安○夜一更二更四方皆有赤氣如火色四

更密雲客星不見○諫院 啓曰 祖宗朝制治之具布在奎

石之典貽謀燕翼至深且遠一或撓改則後弊難防經變以來
典章墜廢視同文具豈不寒心試以吏曹之事言之參下官計
仕陞遷之法非不嚴密而通計罷職前仕冒出六品者非止一
人無謂已甚至於亂前朝官資級各有朔數查考仕日置簿滿